

鷄澤縣志卷十三

風俗

古昔觀風問俗以知民情之淳澆然或示以儉或示以禮則移易之機在上也鷄本衛地疑近淫靡今則耕耨罔怠刀尺相聞其勤儉幾與唐魏等殆猶有康叔武公之舊乎夫風與土相因民悉力於操作則野無閒曠而生產蕃滋矣志風俗而以物產附

隋地理志曰人性質直尙儉約勤稼穡

宋地理志曰地維斥鹵人多畜牧

通考曰民務農桑士習詩書

郡舊志曰男力耕稼女勤織紉士知向學

圖經曰近好侈靡革而未盡

冠禮久廢士大夫偶有行者惟具牲醴酬祖先

婚禮遵父母之命請媒妁二人謁女家曰紅葉得允後約吉宴飲男先女後曰會親未娶惟婿家四時餽花幣脯果曰追節娶後女家亦如之以采幣聘金牲果鼓吹送女家曰行聘婿簪花拜媒揖客

鷄澤縣志

卷十三

風俗

主人侑以幣曰迎開口翼日女家具巾服脯果鼓吹往謝曰回禮臨娶行納采禮而女家不復答矣婚前一日父兄率壻具醴脯往外家曰通道路女家亦於是日過粧禮曰鋪牀詰旦壻親迎鼓樂前導轎用綵結貧者用車壻騎而前娶女客在後到門禮畢新婦之兄弟亦簪花披紅曰陪郎與壻並轡送女客亦在後次日壻問有來謝親者三日婦廟見謁舅姑同壻往外家次日同歸必私帶物回曰儉富貴殊鄙俚姻戚逐日餽脯果曰餽飯九日迎女及壻歸曰回九婚必擇吉日利月惟祀竈日至除夕不忌曰亂歲有貧不能婚嫁乳臭即過門曰童養更有因喪娶婦曰孝扶則權而失乎禮矣喪禮立告布於門書死者官爵姓字生卒日時旁書孝子姓名以布帛訃姻戚朋友則不訃成服後乃受弔散孝經門外掛幡柩前懸旌三日姻戚餽食曰倒頭飯男女在柩左右髻鬢苦跣日三奠七七日奠有加不肯速葬有遲至數十年者有三四喪始同殯者習俗固然亦人子之過也將葬先書期於門親友具賻奠送銘旌柩出孝子執魂幡捧化紙之盆鼓吹前導親友設奠於路曰路祭至塋行題主祀土禮宦室請顯者姻家餽婦女以布幣曰收頭墓必磚砌或灰槨葬畢孝子步歸虞祭鄉愚亦有不立主者孝婦妯娌爭先恐後急走曰搶富貴良可嗤慎遷葬必祖塋無隙地始另擇民間有始喪即號泣詣神祠焚楮者曰押楮作佛事瀕葬用俳優歌舞者曰煖扮亦殊非理祭禮四時祀先無家廟祭於寢列歷代神主或畫祖考像於軸懸之清明中元十月朔多祭於墓如

得功名告祭必於墓有及母妻家墓者生忌死週知禮者亦祭遇令節或祈雨皆祀天地神佛設供焚楮或假師巫旌旗鼓擡槓箱以爲致虔若鄉社賽神春祈秋報釀錢穀具牲醴張樂演劇於神廟先一日曰煖神本日曰正賽祭畢餘曰破盤立春前一日迎春東郊各行人扮雜劇男婦競觀之小兒爭從土牛腹下過曰稀痘設春盤食蘿蔔曰咬春

元旦祀神拜墓謁尊長親友更相賀飲屠蘇酒外甥與外祖父母舅送節禮五日掃堂中土灑門外曰送五窮

八日占一年陰晴有無疾病又請紫姑神問休咎

中元日祀天地祖先市城鄉村用紅綠紙彩或剪布爲之與紙燈懸於通衢間有張燈放花爆者男女游觀曰走百病

二十五日以灰畫倉困於天井填以五穀曰填倉

二月二日謂之龍擡頭畫青黃二龍青引入井黃引入街又煎油餅以薰蝎兒童郊外放紙鳶十五日花朝有祀花神者

清明以柳枝插戶并帶於首自正月至是設鞦韆之戲祭墓掛紙錢三月上巳祓除不祥

鷄澤縣志

卷十三

風俗

五月五日互餽角黍飲菖蒲雄黃酒解百毒簪艾虎戴避兵符男女繫五色線於手足曰續命縷

六月六日曝書畫衣服

七月七日兒女穿針乞巧祀天孫

十五日取麻穀祀神祭墓外祖父母舅以麪蒸羊遺其甥曰送羊答元旦之禮

八月十五日以月餅瓜果相餽贈備酒果月出祀之宴飲其下曰賞月

九月九日登高賞菊互送花糕

十月一日祭墓剪紙爲衣焚墓間曰送寒衣

十一月冬至行交拜禮亞於元旦老農囊盛諸穀埋地元日取出量其多寡以驗豐歉

十二月八日雜米豆棗果煮粥曰臘八粥

二十四日以糖餅祀竈神

除夕祀先易門神換桃符插芝麻糶於戶飲椒酒爆竹驅祟坐竟夕曰守歲

物產

穀之類 黍稷 小麥 大麥 蕎麥 粟 高粱 秫 豆 青黃綠赤茶 缸扁黑數種

蔬之類 芥 葱 韭 芹 白菜 黃芽箭 桿二種 蔓菁 菠菜 茼蒿 芫荽 蘿蔔 紅白二種 胡蘿蔔

茄菜水二種 蕘蓬 蒿苳 山藥 藕 莧 茶 蘑茹 瓜南北東西菜絲香甜各種 匏 瓠 葫蘆 薤 擘蘭
 金針 秦椒 甘露 大黃花 馬齒莧 蒜 薺
 果之類 蘋果 梨 棗數種 羊棗 無花果 杏 文官果 梅 花紅 沙果 柿 石榴
 桃李 葡萄 胡桃 蓮子 錦荔枝 紅薯 香芋
 木之類 椿香菜二種 榆 桑 楊青白二種 槐 栢 桐 棠 楸 楮 杜 樗 山川柳 椒 皂
 角 界桑 荆 棗 櫟
 花之類 牡丹 芍藥 月季 百日紅 荷 菊 洋菊 木槿 玉簪 雞冠 石竹 匾竹
 金鳳 金盞 金銀花 鳳仙 葵 海棠 秋海棠 碧桃 夾竹桃 洋桃 人面桃 紫荊
 丁香白紫二種 玫瑰 芙蓉 迎春 長春 刺梅 薔薇 石榴 馬纓 草茉莉數種 水紅花
 佛指甲 剪秋蘿 蜀葵
 草之類 苜蓿 葦 蘆 荻 大藍 麻 蘇蓬 蒺藜 萱 天茄 菱 菖蒲 莠 稗
 藥之類 香附 葶藶 瞿麥 益母草 兔絲子 車前子 地丁 土大黃 茴香 蓼
 京耳 艾 薏苡仁 牛旁子 馬鞭草 牽牛 桃仁 杏仁 栢子仁 郁李仁 酸棗仁
 桑白皮 茵陳 枸杞 甘草 朴硝 芒硝 蟬蛻 桑螵蛸 葶麻子 白芥子 芥耳子

鷄 澤縣志 卷十三

風俗

三

夏枯草 萊菔子 蒲公英
 貨之類 菸葉 靛 棉花 布絲絹 麻線縲二種 蜜 油綿麻二種 糖 蘇 酒明黃二種 蠟 紅花
 禽之類 鵝 鴨 雞 鴿 鴉 雁 燕 鳩 鷹 兔 虎 鷄 鵲 鸛 鴟 鷓鴣 蠟嘴
 鷺鷥 黃雀 啄木 雀 葦喳 子規 布穀 鷓鴣 鷓鴣 鷓 黎雞 麻衣雀 阿鸞
 鶯 沙雞
 獸之類 牛 馬 驢 騾 羊 豕 犬 兔 獾 狐 狼 貓 花狸 虎 黃鼬
 鱗之類 鯉 鯪俗呼鱗花 鱖 魴 鱖黃白二種 鮎 鱒俗呼厚 白魚 黑魚 汪刺 黃孤 蝦
 蟹 鰱 鰣
 蟲之類 蠶 蜜蜂 螟蛉 蚯蚓 蟋蟀 斑貓 蜻蜒 蟻 蜘蛛 壁蟻 蜂牛馬二種 蟬
 螳螂 螻蛄 蚊 蝦蟇 螻蛄 蝴蝶 擔丈 蛇 蜥蜴 蝎 蜈蚣 蠅 刺胃 蝨 蝠
 蝠 百翎

附尤淑孝婚娶淺說

蓋聞乾坤定位道合陰陽男女宜家化行中外故夫婦為五倫之始有夫婦而後有父子有父子而後有兄弟君臣朋友夫婦之倫其重如此至婚娶之初更宜慎之順綱循禮而後無瀆於倫常苟因

陋徇俗不思變其上風必致尊卑倒置陰陽乖舛弊有不可勝言者吾於雞邑之婚娶不禁歷歷指陳焉一陰陽夫其序而長幼因之顛倒也古云男子三十而娶女子二十而嫁可知男長於女未聞妻長於夫也雞俗凡饒裕之家婚娶必女長於男自三四歲至七八歲不一若男長於女必貧而無力者間有知禮之家男長於女無知者反指爲笑柄且姑息以愛其子年甫十一二卽爲完婚而所娶之婦已長大矣曰早娶早得媳使用殊不知男先於女夫爲妻綱必夫長於妻而後可以表率庭幃整頓家室若妻長於夫其夫童稚之習頑皮哭泣百般醜態俱爲其妻目擊而輕慢之心頓起爲夫者又何能綱領其妻閑有家而悔亡耶一帷薄或不修而閨門容易敗壞也人家婦女無知者全賴丈夫謹飭嚴束之今既女長於男而又早婚夫方弱稚女已長大夫固知識未開女亦稍開情竇在家爲室女尙知避忌既已合卺結褵而牀第間對一少不更事之人堅貞者無論已保無有頑鈍無恥者之蕩檢踰閑乎而爲之父母者獨不慮及此乎懼內者多而反目之事時有也夫剛妻柔則家道正卽有不賢者可以理論之以勢禁之自女長於男之俗成而夫能約束其妻者鮮矣蓋其積累者久也彼親迎之始夫之齒方踰十歲妻年已將二十知禮者猶知敬夫潑悍者視其夫爲童穉詬詈有之敲撲間亦不免聞有暑月夫熟眠於天井院落之中妻抱持而提携之於臥室如嬰兒然及夫年既長卽欲振理家法其妻果俯首帖耳否耶此交謫詬諍之聲勢所必有而安望其夫妻和

順家室安寧耶故獅吼之風熾而方山子在在皆是也一早婚多夭亡而時見河西之慟也人家父母愛惜其子冲幼之年卽結花燭以爲可早歲抱孫抑知童年筋力未堅固一貪枕席之歡罔知節制之道得疴羸衰弱之病長臥牀褥者有之甚之癆瘵失血不滿二三十歲而夭亡者有之是其父母欲早生孫反致喪子彼此效尤相延不改愛子之心不旣左乎曷勝浩歎一生育失其時而後嗣多艱也古人男長於女之說不惟別尊卑且於生育之道有至理存焉蓋男子年齡雖老猶能生育女子天癸一絕卽不能孕如雞俗男至四十正當壯盛而其婦已望五萬難生育倘無子者遇柔順之婦或容夫納寵苟屬強梁其夫夙被威攝焉敢娶妾任其無後承繼本宗尙屬同氣雞俗多買異子以致異性亂宗且奪產興訟以仇報恩滅祖宗之血食敗男女之常經何莫非妻長於夫階之厲耶一翁媳之年齒相若而侍奉殊失雅觀也娶婦之家翁曰公公姑曰婆婆必年可爲人公爲人婆而爲之媳者然後可以翁姑事之雞邑有十四五歲生子者其子至十一二歲卽與娶婦其婦少與其子或童養於家猶可言也今婦必長於夫數歲是翁年方廿有四五而新婦之年已十有七八翁不成翁媳不成媳彼宦家巨室翁媳終歲不相見猶可避嫌平民之家房舍無多且欲其朝夕奉養不惟觀之不雅間有釀成新臺之禍者何忍出之於口此尤娶婦太早女長於男之大患也以上六條訪之本邑之人出之士民之口非敢故爲捏造以壞天良惟願雞邑紳士早爲倡率變易其俗務

期男女年齡相當卽偶有女長於男亦不出一二歲且親迎必待二十至早亦須十七八歲將乾坤順序陰陽和諧家室相安婦隨夫唱亦無夭札之傷不聞脫輻之事澆風可挽而雀鼠之訟息矣余秉鐸一紀每逢士紳談及此不啻痛哭流涕而道之邑侯王公已有明示茲值修志者著爲淺說使雅俗共曉咸知感悟予懷滋慰矣

明陳斐原縣鷄以氏澤澤以氏邑夫翰音登天風雨鳴晦體合異象精秉玉衡鷄或是之取與予謂因以見王政已耳蓋王者教樹畜重蕃息養老厚生懿化基之八口之家鷄有五焉井邱聯比可以盈澤是昔周末之地澤曰鷄澤邱曰鷄邱先王之風未斯泯滅也書曰鷄山者句踐以查鷄夫山可謂鷄山澤不可謂之鷄澤哉放斯邑者將聽鷄聲以勤政勿察鷄豚以殖養其亦庶一割鷄之任哉